

愚

齋

存

稿

愚齋存藁卷第十二目錄

奏疏十二

歷陳路政重要請派會辦大員摺

請派丁道源程祖福辦理道清支路片

請設鐵路法文速成學堂片

請派李經方會辦滬甯鐵路片

請派大臣驗收工路摺

遵 旨會同驗收黃河橋工摺

賞袍褂料普洱茶謝 恩摺

賞袍褂料普洱茶謝 恩摺

恭報交卸鐵路差使並陳辦理情形摺

覆陳歷辦滬甯鐵路情形摺

籌議預還路債辦法片

覆陳議廢蘇杭甬鐵路草合同摺

請獎電報局員學生摺

電線保獎清單並附

請將朱寶奎交部優敘片

密陳裁撤勘鑛公司撥款專辦晉鑛摺

愚齋存稿卷第十二

奏疏十二

瀝陳路政重要請派會辦大員摺

光緒三十一年八月

奏爲路政重要分任需才懇

恩簡派會辦大員藉資助理恭摺具陳仰祈

聖鑒事竊查光緒二十二年七月前直隸總督

臣王文

韶湖廣總督

臣張之洞

會陳盧漢鐵路商辦難成祇有

暫借洋債造路之一策奏奉

諭旨設立鐵路總公司飭

臣

實力舉辦以一事權等因

欽此

臣受

命以來夙夜兢兢因商股不可恃乃借資於洋債因列
强多要索乃謀及於比人其閒端緒之繁籌措之艱工
築之鉅上乘

聖謨下與各疆

臣

通力合作堅忍奮發要於必成蓋鐵

路爲新政大端盧漢寶南北關鍵雖以庚子之亂匪民
首先燬路而撫輯洋員收復籌款分道趨修不稍停輟
歷年以來各國承攬路工總理衙門外務部以中國造
路業派專員飭由總公司相機因應粵漢正太滬甯汴
洛道清各路合同以次奉

旨批准卽

臣

另案奏准自辦之萍潭運煤枝路亦關漢

廠冶鍊根本或甫經開辦或將次蒞役工務至爲繁賾

臣此次由鄂到京查勘盧漢榦路限定十月內全路通

車所有編列行車畫一章程稽核南北商貨出入考訂

常年養修經費均須規畫久遠爲拔本收路之計

臣職

守攸歸斷不敢絲毫諉卸惟念正太鐵路由正定至平

潭一段已先開造石工尤屬艱難滬甯鐵路由上海至

無錫一段購地已齊築路尙能迅速而附屬盧漢之枝

路汴洛正在趕造道清派員收回華洋交際皆爲權利

所關未成之路固不容一刻放鬆已成之路亦必當始

終勒緊以

臣

輟材處此百端待理之秋實深顧此失彼

之懼再四熟籌惟有籲懇

天恩俯念南北各路均屬重要准卽遴派明幹大員二人一駐京城會辦盧漢鐵路一駐上海會辦滬甯鐵路庶可分道稽查與臣相助爲理臣仍應提挈綱領合力經營斷不敢以分任有人稍寬督率以仰副

朝廷銳意自強先後觀成之至意所有瀝陳路政緣由謹恭摺具陳伏乞

皇太后

皇上聖鑒訓示謹

奏 本月初九日奉

旨商部會同袁世凱妥議具奏欽此

請派丁道源程祖福辦理汴洛道清枝路片

光緒三十一年八月

再盧漢鐵路展造開封府至河南府枝路名曰汴洛鐵路現在先行開辦鄭州至開封府一段所有工程及購地事宜查有河南候補道丁道源才猷練達熟悉地方及鐵路情形堪以派委又福公司山西澤州府至河南懷慶府屬道口鎮運鑛鐵路業經造成道口至清化鎮一段現由外務部咨臣奏准借款收回所有行車監督事宜查有福建存記補用道程祖福閱通敏練辦事實心堪以派委以上二員均經臣會同河南撫臣陳夔龍札派並飭令剋日到差認真經理以重路政理合附片

陳明伏乞

聖鑒謹

奏 本月初九日奉

硃批知道了欽此

請設鐵路法文速成學堂片

光緒三十一年八月

再鐵路爲專門之學

臣前在上海

奏辦南洋高等學堂並選派學生出洋肄習已爲預儲
工程司之用惟所習皆係英文亦非備行車任使臣此
次勘驗蘆漢路工沿途察看情形備知行車在事人員
職司雖微關係甚重誠以借款造路管理必需洋員既
用洋員則各員司必得諳曉語言文字之人方免隔閡
查蘆漢路員如站長票房車首等項向用法文現今官
立民立各學堂法文尙少路工未竣以前逐段行車需
人孔亟遴選未能盡善流品因以不齊每至更換無人

輒起乏才之歎茲值全路將次通行欽奉

諭旨整頓路政所有大綱細目均經督同該監督參贊等會商洋員迭次籌議按照合同切實辦理而各站員司與客商貨物事事直接於全路利弊名譽尤爲密切相關目前切要之舉自宜先設鐵路法文速成學堂凡盧漢正太汴洛各路需用車務人員皆可取材於此試辦之初諸從撙節卽派行車正副監督就近督辦並另派總辦一員駐堂經理查有三品銜候選知府衡璋通達時務堪以派委已由臣飭令妥擬章程先於京城暫租民屋剋日開辦務使此項學生旣嚴選擇於前復

沐陶鎔於後庶幾學成任事盡能束身自愛裨益商民
洵於路政所關匪細除將現擬試辦章程咨明商部北
洋大臣查照外謹附片具陳伏乞

聖鑒訓示謹

奏 本月初九日奉

硃批知道了欽此

請派李經方會辦滬甯鐵路片

光緒三十一年八月

再候補四品京堂李經方

臣

於本年正月奏准隨辦鐵

路總公司半載以來督同滬甯辦事華洋人員每日到局六鐘之久風雨不改勞瘁不辭每與洋人辯論事件終於了斷而不致喫虧辦理交涉實能勝

臣

數倍所有

此次請派常駐上海之會辦大員可否仰懇

天恩俯念滬事繁重仍卽派令李經方與

臣

會辦以期

駕輕就熟而資得力之處出自

聖裁理合附片具陳伏乞

聖鑒訓示謹

愚齋存稿

卷十二

七

奏 本月初九日奉

旨商部議奏欽此

請特派大臣驗收路工摺

光緒三十一年九月
袁鄂督張會奏

直督

奏爲盧漢鐵路黃河橋工告竣請

旨特派大臣剋期驗收藉光盛典恭摺具陳仰祈

聖鑒事竊照本年五月

臣

宣懷奏陳勘驗路工大概情

形聲明十月內全路一起工竣屆時應

奏請

欽

欽派大臣驗收全工曾附片臚陳在案比國借款公司

公派總董渡越重瀛來華閱視黃河大橋業於九月十

五日行抵上海適

臣

宣懷亦先期自京回滬彼此商定

並電商

臣

世凱

臣

之洞謹擇十月十七日親率該總董

暨在事華洋工員驗橋開車卽以是日爲全路通行之始竊念盧漢縣亘二千三百餘里南北同軌在中國爲創見之鉅工黃河天險著名架橋通車在歐西亦傳爲盛事屆時比法使臣訂定同往閱看相應請

旨特派大臣於十月十六日由京起程驗收全工至河躬行落成盛典抑臣等更有請者北幹首站係在京城正陽門外西河沿發軔自全路通車日起應請稱爲京漢鐵路以副名實所有請

旨簡派大臣驗收路工緣由謹合詞恭摺具陳伏乞
皇太后

皇上聖鑒訓示謹

奏 本月二十二日奉

硃批派唐紹儀會同盛宣懷驗收欽此

遵

旨會同驗收黃河橋工摺

光緒三十一年十月會辦大臣唐會奏

奏爲遵

旨會同驗收黃河橋工事竣恭摺仰祈

聖鑒事竊

臣

宣懷於光緒三十一年九月十六日會同

直隸督

臣

袁世凱湖廣督

臣

張之洞奏報京漢鐵路黃

河大橋工竣請

旨欽派大臣驗收於九月二十二日欽奉

硃批著派唐紹儀會同盛宣懷驗收欽此

臣

紹儀由印

度回滬將京漢全路通車後應辦事宜先行會商一切

臣

宣懷在上海會議德國商約因該國總領事克納貝

回國暫作停頓卽於十一日由上海啟程十七日同抵
滎澤河南撫臣陳夔龍責任地方河工亦親至河干會
同閱視臣等卽督率工程司勘驗該橋工程計自北岸
武陟縣之姚期營起直抵南岸滎澤縣之廣武山麓爲
止計長九百九十餘丈合華里六里許統計橋門一百
零二橋墩一百零三南北五十三墩以八鋼柱六鋼柱
爲一墩中流五十墩以四鋼柱爲一墩兩柱相閒之處
四圍各用鋼條斜互鉤貫柱腳鑽入沙底仍一面相度
水勢漲落逐層加埽拋置巨石務使墩基益固而河流
亦暢刻值水落之時平水測量橋身至河面計高二丈

五尺橋腳至沙底計深四丈八尺橋面寬一丈五尺安

置單軌

臣

等乘坐輪車拖帶二十輛往返過河各兩次

每次駛行四五刻均甚平穩並無震動惟橋工甫成尙未經歷大汛當仍派洋工程司常駐工次隨時備料加埽以資防護驗收事畢卽於是日午刻在橋邊搭篷設宴各國公使或親自京來或派參贊隨員同來觀禮外務部左侍郎臣聯芳亦自京來湖廣督臣派委湖北鹽法道馮汝驤常備軍協統黎元洪等隨同閱看中外歡會僉稱黃河大橋爲中國歷史向未經見之事卽外國亦不多觀從此同軌風行南北中央之地產鑛產工藝

製造暨一切因路所生之利皆可以次發達上衛

京畿下鞏江防富

國裕民此爲起點屈指開辦至今已逾七年中更拳亂仰荷

朝廷主持維護於上督撫臣及在事華洋工員辛苦經營於下得以蒞此鉅工一新觀聽臣等惟有考覈養修早圖收路冀以仰副

聖明垂注再萍鄉煤鑛官款自造鐵路內醴陵至湘潭之洙洲一節亦已接展工竣總辦道員辭鴻年分稟湖廣督臣及鐵路總公司會同驗收臣宣懷卽於十八日

由鄭州馳回漢口商由督臣派員卽日同赴湖南將該路逐細核驗另案會同奏報臣紹儀卽行回京覆命所有臣等遵

旨驗收京漢鐵路黃河橋工並舉行落成典禮緣由謹合詞恭摺覆陳伏乞

皇太后

皇上聖鑒謹

奏 本月二十一日奉

硃批知道了欽此

賞袍袿料普洱茶謝

恩摺

光緒三十一年十月

奏爲恭謝

天恩仰祈

聖鑒事十月十八日摺并回滬仰蒙

恩賞江綢袍袿料兩捲普洱茶一圓恭齋到

臣

謹卽恭

設香案望

闕叩頭祇領竊

臣

自維薄植屢沐

殊施方憂稱服之爲難惟飲廉泉而自勵詎意

恩施稠疊

錫賚駢蕃聽中使之傳宣荷

上方之頒賜齋出雙端鳳綺爭看

宮錦鮮明攜來一餅龍團猶帶

御香馥郁凡此因時之

寵賁實爲逾分之榮叨

臣

詩懷鵲濡經參鴻漸藻采章

身而增耀清芬適口以留甘疑是天孫能工手織慚非
學士獲拜頭綱望

觚棱而捧五朶之雲什襲遙從

天上具盃鐙而試小團之月品評合到人閒所有

微臣

感激下忱謹繕摺叩謝

天恩伏乞

皇太后

皇上聖鑒謹

奏 十一月初 日奉

硃批知道了欽此

賞袍鞋料普洱茶謝

恩摺

光緒三十一年十二月

奏爲叩謝

天恩仰祈

聖鑒事竊

臣

於光緒三十一年十二月二十五日接准

京電仰蒙

恩賞袍鞋料普洱茶等件到

臣

當卽恭設香案望

闕叩頭謝

恩祇領伏念

臣

猥以疏庸曾無報稱迭荷因時之

寵賚益慚非分之叨榮

鴻貺自天蟻誠伏地欽惟

愚齋存藁

卷十二

奏疏十二

五

思補樓藏

履端肇歲

泰始熙春

黼座宵衣奄八紘而挾纊

衢尊菲飲合百辟而含和年例特頒

殊施曲逮

臣

功虛製錦惠謝分甘垂紳愧稱職之難汲

綆懍素餐之誚服之無斃願覩

軒裳義冕之風飲以太饌長沐

堯醴舜醇之化所有

微臣

感激下忱謹具摺叩謝

天恩伏乞

皇太后

皇上聖鑒謹

奏 三十二年正月 日奉

硃批知道了欽此

恭報交卸鐵路差使並陳辦理情形摺

光緒三十二年二月

奏爲恭報

微臣

交卸鐵路差使裁撤上海總公司並臚

陳辦理情形恭摺仰祈

聖鑒事竊

臣

於光緒二十二年蒙

恩簡派督辦鐵路大臣於上海地方設立鐵路總公司

先辦盧漢鐵路續辦正太滬甯汴洛等路查盧漢鐵路

二千五百餘里中隔黃河工程最爲艱鉅

臣

受任之始

議論紛紜有謂路工難以蒞事有謂黃河大橋萬不能

成有謂路成收利不敷還本將爲外人所佔卽

微臣

自

揣才力短絀責任過重亦惴惴以弗克告成爲懼仰賴

聖明主持於上部

臣疆臣

互相匡助迄今先後八年中

厯變故困苦經營一手告竣黃河大橋亦得通行無阻

在

臣

拙直庸愚已屬萬幸前慮拳匪毀路賠修無著

臣

設法在於比法所得大賠款之內索回鉅款賠修之外
尚有多餘得以湊辦路工綜計先後借款不過虛數五
百萬鎊併連九扣及八年利息在內各國工程家俱稱
尙屬節省逐節試辦行車光緒三十年止除支用外淨
得餘利銀二百三十七萬五千餘兩又三十一年除支
用外淨得餘利洋銀三百五十三萬四千餘元實爲始
願所不及竊念

臣

連年多病祇因京漢大工未完未敢

畏難諉卸今幸全工告成橋通之後京漢三日可達快
車沿途不停三十六點鐘可達商民喜便路利日增將
來正太汴洛道清枝路脈絡貫通利益更必豐厚按期
還本確有把握局勢已定臣病未痊深恐稍涉貽誤負
疚滋重上年三月服闋

陛見曾瀝情面懇

聖慈開去差使並與外務部商部議及完工之後應在
京城設立總局由商部就近稽察較爲周妥旋蒙
諭旨飭回滬將商約事宜妥籌辦理並蒙

簡派唐紹儀會辦鐵路事宜嗣又奉

命會同唐紹儀驗收黃河橋工卽於驗收後據實奏覆
臣折回漢口因觸發舊恙咯血數次先行回滬就醫欽
奉

諭旨滬甯鐵路改派唐紹儀接辦遵卽將滬甯鐵路一
案移交唐紹儀接管臣於十一月初九日電奏上海總
公司請卽裁撤併歸唐紹儀督辦以一事權所有臣任
內經辦京漢工程報銷已在趕緊造報鐵路總公司關
防一俟銷冊完竣卽行隨案繳銷各等情度已早邀
睿鑒旋准唐紹儀鈔咨外務部原奏請

旨飭下禮部另行改鑄文曰辦理京漢鐵路大臣關防

發交唐紹儀祇領行用其原頒鐵路總公司之關防應由盛宣懷送部繳銷等因奉

旨依議欽此欽遵咨會到臣遵將鐵路總公司卽行裁

撤並卽分飭各路局員知會各路借款公司及總工程

司一體遵照所有臣經辦京漢鐵路業已完竣工程報

銷以及試辦行車收支各款由臣督飭經手局員趕緊

按照已送之洋文單冊譯算造報以清界限其餘正太

汴洛滬甯等路工程均未竣事臣旣交卸各該路華洋

單冊未便調查自應將以前各局員呈送華洋各冊及

譯算處所存華洋原單悉數移交唐紹儀接辦造報免

致紛歧除將原存合同案卷冊籍分別移交接收外理
合將微臣交卸鐵路差使裁撤上海總公司及先行移
交各路情形恭摺具報伏乞

皇太后

皇上聖鑒訓示再鐵路總公司關防一俟收支各冊造
竣鈐用後卽行送部繳銷合併陳明謹

奏 本月二十七日奉

硃批該部知道片二件併發欽此

覆陳歷辦滬甯鐵路情形片

光緒三十二年二月

再臣准兩江總督周馥咨稱光緒三十一年八月二十一日奉

上諭有人奏滬甯鐵路糜費太鉅請減輕成本剋期完工冀早贖路而保公益各摺片鐵路關係緊要亟應力求覈實自保利權所有滬甯鐵路工程款項著周馥陸元鼎切實查覈並責成盛宣懷早爲收回以重路政而杜後患原摺片著鈔給閱看欽此咨會欽遵查照辦理到臣伏查滬甯鐵路英公司璧利南來議所欲甚奢借款則連五年預備利息不逾三百二十五萬鎊爭至估

計工程核准需用之數始能售票僅准售發二百二十五萬鎊矣估工則先定包辦二百十五萬一千六百八十七鎊爭至每一英里不准逾六千六百六十六鎊仍須隨時節省實報實銷矣完工限期則先定五年爭至三十九個月全工告竣照包辦限期而不照包辦價目矣購地則先定總公司如不能自備另售小票二十五萬鎊爭至總公司無款可籌亦不另籌小票准在工程借款內撥付矣收回年限則先定五十年或二十五年爭至十二年半即可全數還清註銷合同矣凡議一款爭一款璧利南久任中國總領事機械百出並有英使

再三催辦其時正值臣在苦塊之中派令道員陳善言朱寶奎反覆籌議橐凡數易幸賴張之洞在兩江署督任內當令璧利南赴江甯該督又派員磋商增益而後定橐會奏經外務部路礦總局覆核欽奉

諭旨批准旋由鐵路總公司會同督撫臣遴派道員林賀峒等總辦購地局沈敦和等總辦管理處督飭總工程司格林森按照合同開標估價分段釐辦現在截至交卸綜稽款項據管理處摺報上年十月初四日卽西曆十一月底爲止收款計借票實收英金二百二萬五千鎊照時價約合銀一千五百六十九萬餘兩又各銀

行回息銀四十四萬三千餘兩又淞滬移存材料歸甯
滬動用估值銀四萬餘兩支款計撥墊購地二十五萬
鎊合銀一百八十三萬五千餘兩又撥還淞滬路墊款
一百萬兩又撥借款利息英金十三萬五千鎊合銀九
十八萬七千餘兩又造路已用工料銀二百三十一萬
四千餘兩存款計存倫敦生息英金八十五萬九千九
百餘鎊照時價約合銀七百一萬六千餘兩又存匯豐
銀行銀三萬九千餘兩又照合同分存通商銀行生息
銀一百八十六萬九千餘兩又存各處未用材料及現
銀一百一十一萬三千餘兩據購地局摺報上年十一月

底爲止收款計銀一百八十三萬五千餘兩支款計撥
付購地收支局具領各段購地及遷墳拆屋賠貼青苗
樹木薪費等項共銀九十二萬九千七百餘兩存款計
移交現銀五十三萬四千三百餘兩又銀行生息銀三
十七萬九百餘兩該局所購之地由上海起鎮江止共
計一萬六百餘畝地契領據均已分別移交存局仍飭
該局員等詳細造冊具報至外國購辦材料臣曾選派
前在江南製造局之工程司彭脫駐英監視開標估值
均有報單不容虛冒又據格林森聲稱初到中國不甚
知中國工料價目估計稍寬現計全工按照原估約可

節省十成之一目下上海至無錫橋工土工全竣本年
四五月開工抵無錫即可行車賣票江蘇人煙稠密貨
物繁盛行車進款比較北方未必短絀論者慮進款不
敷支用似不盡然以臣度之此路工程必較速於京漢
不致逾三十九個月之限期此路用款必較省於京漢
不致逾六千六百六十鎊之限數此路還本若照十二
年半全數還清除造路三十九個月不計外爲時不及
十年或須略籌資本以輔車利之不足然滬甯成路以
後再由本省分籌小數湊還借本較之他省造路之前
須由本省躉籌鉅款始能成路其難易已顯然矣臣奉

旨責成早爲收回意甚嚴切臣於遵議合同以迄派員
開辦日夜以核實用款剋期還本往復籌畫於胸中所
有宏綱細目已派管理處總辦道員王勳赴京一一告
知後任並將以後本省應如何設法籌款集湊毋庸續
發小票之處酌擬咨覆督撫臣以期早日收回而副原
議理合附片陳明伏乞

聖鑒謹

奏 本月二十七日奉

硃批覽欽此

籌議預還路債辦法片

光緒三十二年二月

再鐵路利權發達所關國計民生甚大今觀於關內外及京漢所收路利已有明效大驗在昔王大臣奏准設立總公司幹路借款先行舉辦亦因當時風氣未開民力未逮假使京漢一路必待商民自造恐延至今日尙不能成也光緒二十四年五月初八日臣電奏訂定比公司借款是日欽奉

上諭前因盧漢開辦鐵路特派盛宣懷督辦現在業已籌有的款著盛宣懷剋日興工趕辦並將辦理情形先行具奏此外粵漢甯滬各路並著迅速開辦毋得任意

遲延欽此等因

臣 懷遵

聖訓再四通籌開辦鐵路不得已而議借款既不能以關稅抵保僅將所造之鐵路產業爲抵保以致舌敝唇焦合同期內不能不稍假以事權惟當參活年限預籌還款爲第一要著故於盧漢合同第三款則定以十年後分攤二十年還本第五款則定在發票十年以後無論何時可將借款還清一經全還所有合同卽時作廢又經督臣 王文韶張之洞會同臣 奏英覬粵路請由伍廷芳與美商議訂粵漢借款又總理衙門允准英使所請飭與英商議訂甯滬借款均隨時奏咨核定光緒二

十四年六月初十日欽奉

上諭盛宣懷奏籌造南北鐵路辦理情形一摺覽奏均
悉所稱三路分三國借款營造緊約寬期互相比較洵
爲扼要之論並瀝陳委曲艱難各節亦屬實在情形惟
是作事謀始必須力任其難不辭勞怨方能日起有功
該大臣膺茲重任務當力持定見與各洋商堅明約束
會同榮祿張之洞迅速籌辦使三路合爲一氣南北相
爲銜接提綱挈領勿分畛域以期剋日觀成毋得意存
推諉空言搪塞致負委任欽此欽遵查照辦理其時內
外合籌借款分造意在一氣呵成由京由滬直達廣東

並由京由粵直達上海蓋江海輪船之利外人其之陸路輪車之利吾獨專之約計年年統獲路利總在二千萬之譜首先歸還比款次還英款再次還美款工竣一二十年諸款還清合同俱廢縱橫七千里鐵路悉爲國家自有之產業騰出華商財力自造枝路自開各礦而中原土貨必因路鑛而日旺歲收以上路利不難出二千萬以至三四千萬此原設鐵路總公司統籌兼顧之本意也臣以幹材謬膺重任內與數省士庶周旋外與數國工商計較恪遵

諭旨力任其難不辭勞怨而北幹告成之日卽爲物議

沸騰之時大抵近日士夫遠矚高瞻競爭劇烈各以籌款自辦爲已任風氣已非前十年可比臣方愛重之不暇曷敢稍存迴護但與各國辦事不能不持之以信未辦者固可屏絕借款而已辦者祇能迅籌還款蓋還一款銷一合同便足爲各路表式臣曾與比公司代理人沙多面議光緒三十五年卽爲借款之第十年後按照合同第五款全數清還合同作廢辦法據沙多聲稱借款小票備載此條屆時比法公司斷無異議惟現在粵漢改爲自造甯滬雖可望餘利還債亦難稍緩僅就京漢之利以還京漢之本未免較遲茲聞歐洲大銀行以

我

國家近來新政大有起色頭等擔保借息可輕如果洋貨加稅他國悉照英美日葡商約成議每年必增入二千數百萬兩倘屆時援照日本自出小票躉借各國總債辦理國幣及諸項財政並將鐵路所借各國之款全數還清四釐九扣諒可辦到所有應還之總債仍將借款所辦之財政及鐵路進項撥還本息足可有餘不過將加稅作一面子抵保而已此實自強之上策也又聞美國所得大賠款分派多餘銀數約合二千萬兩之譜其外部已商議院允還中國但願我辦一公益之舉去

年袁世凱與臣面商此款取回或可與部臣妥商先還此款臣約計所短不過千萬左右以三四年餘利拼湊計當不甚懸殊顧念度支孔迫就使美款繳還亦何暇舉以還債惟此後京漢路利每年由數百萬兩以至千萬操券可得實不難分年提還部庫一轉移間可省分給比公司之餘利二成及洋員薪水之多費外人分佔辦事之權以符盧漢第五條還清借款卽廢合同之本旨臣與創議諸臣庶可告無罪於天下後世此臣雖交卸總公司猶不能不惓惓於還款者也可否懇請飭下部臣預爲籌畫俾還款之數可省贖路之期可早

藉以樹各路之先聲而中外皆知自強之實效矣是否
有當謹附片具陳伏乞

聖鑒訓示謹

奏 本月二十七日奉

硃批覽欽此

覆陳議廢蘇杭甬鐵路草合同摺

光緒三十一年二月

奏爲據實覆陳恭摺仰祈

聖鑒事竊

臣承准軍機大臣字寄光緒三十一年八月

二十五日欽奉

上諭御史朱錫恩等奏浙省自辦鐵路請將舊訂蘇杭甬草合同速與撤廢一摺浙江全省鐵路業經商部奏准由紳民自辦所有前與英商訂立蘇杭甬草合同著責成盛宣懷趕緊磋商務期收回自辦毋得藉詞延宕並著聶緝齋會同妥速籌辦以重路政而保利權原摺著鈔給閱看將此諭令知之欽此跪誦之下仰見

聖主慎重路政斟酌因時之至意曷勝感悚臣查蘇杭甬鐵路係於光緒二十四年七月接准總理衙門來咨以英寶使請准英商承修中國鐵路開列五條之一咨令酌照南北鐵路章程與英商妥訂專章咨報本衙門奏明請

旨遵行等因其時臣遵與英商議訂草合同三條電商總理衙門核定並聲明所議俟臣會商撫臣如於地方窒礙尙須更正隨後再行會奏等語此特參以活筆預留後來操縱地步分咨在案逮光緒二十九年甯滬合同簽押時臣以此路逾時已久責其應作廢棄面詰再

三英公司不允復致函堅申此說彼雖強辯然商廢之說實已從此埋根自奉

諭旨飭令磋商遵先函致英公司約其會議該公司覆稱須請示駐京薩使臣當卽電請外務部知會薩使催令英商從速來議迄無覆音去冬復切實函告英公司大致謂蘇杭甬鐵路草合同雖係奉總理衙門咨令商訂然聲明俟會商巡撫如有地方窒礙卽行更正仍俟訂正約後會同入奏現在商部已先奏准由紳民自辦必與地方大有窒礙可無疑義又第三款聲明英公司當從速派工程司測勘現已七年並未來議勘辦光緒

二十九年四月曾函致英公司聲明杭州鐵路現有他商請辦勢難久待自此函訂之日起如六個月之內再不勘路估價則杭甬一路及浦信一路均作罷論所有以前草合同一概作廢此函去後又逾兩年則草合同本應作廢現在總公司不日裁撤特將遵

旨自辦緣由再行專函聲明等語去後卽據英公司復稱現奉駐京寶大臣來函接准外務部來函所論蘇杭甬鐵路現歸浙撫一手經理不由貴大臣過問辭意極爲明晰等語除將迭次往來函件鈔咨外務部商部浙江巡撫備查外臣查蘇杭甬鐵路草約原議本應俟撫

臣查無窒礙再行會商入奏該洋商雖經派人約略勘估而勘估情形並無估單圖樣呈報總公司亦未來議辦法二十九年因有華商李厚祐等稟辦杭州洪辰橋至江干短路臣曾函致英公司限以六個月爲期衡情酌理自可因其逾期置之不理實非滬甯鐵路經總公司與督撫臣會議正合同具奏並經外務部核議覆奏奉

旨依議發給借票照約開工者所可同日而語惟此案總理衙門原給照會內稱中英輯睦多年自應言歸於好行令臣與英商妥訂章程彼時與英竇使如何發端

現在與英薩使又如何因應皆非臣所得而知並聞英

寶使因臣前與爭議福公司山西鍊鐵及鑛務各端幾

致決裂經外務部調停而後定不能無憾於臣故於此

案不欲臣再過問總之臣雖愚昧無能數十年來凡遇

有艱危困苦之事向不敢畏難苟安諒可仰邀

聖明洞鑒將來此案如果英使到底狡執一經外務部

知會到臣決不置身事外仍必會同浙江撫臣切實辨

難以期結束而保利權理合先行據實覆陳伏乞

皇太后

皇上聖鑒謹

奏 本月二十八日奉
硃批外務部知道欽此

請獎電報局員學生摺

光緒三十二年三月
臣袁吳會後銜

電政大

奏爲遵

旨擇尤酌保電報局員學生以勵成勞恭摺仰祈

聖鑒事竊

臣

於光緒二十八年九月十八日臚陳電商

籌認鉅款添設天津上海煙臺海線並於亂後收回修
復陸路各要線力顧大局曾附片陳明擬請獎敘局員
學生等情奉

硃批准其擇尤酌保毋許冒濫欽此仰見

聖明甄敘成勞雖微必錄之至意欽感莫名竊維庚子
年拳匪先行拆毀西北電線一千餘里及聯軍入都彼

則在京保津沽自造行軍陸線並欲由上海煙臺至大沽天津設立海線我則自

行在至京城自京城至各省電路皆阻不特和議未定之時機關緊密得失繫之且電權一失以後界限不清利害隨之臣不得已派令局員朱寶奎周萬鵬等與大北大東兩公司急切密商購回上海至大沽海線一面假洋公司之力代造大沽至京城陸線並將西路拆毀各線漏夜修復消息始通其時

行在政務繁劇

詔旨頻仍加以東南保護之約全權議款之役京師及

各行省各使臣文牘問答轉輾傳達萬里瞬息實惟電局是賴臣曾與各該局員學生嚴明約束以事機危迫傳遞官電皆關重要倘該員生等或不小心致有漏洩或所轄桿線損壞致有阻滯定必從嚴懲辦如能線路暢通遞報密捷定必從優獎敘通行在案溯自庚子秋以迄

回鑾各電局懷遵臣諭均能力矢慎勤晝夜不息計承轉機要

詔令章奏各數百件幸皆無一遲延洩漏悉赴事機伏查

行在官電局委員學生均經請獎仰蒙

恩准已照異常勞績優敘欽遵在案京城官電局員先
經外務部咨明臣處酌核辦理嗣已改爲另案附獎各
局員生著有微勞事同一律臣於奉

旨允准酌保之後傳示各該員生其爲感激企望爲日

已久臣去秋過津與督臣袁世凱面商亦稱旣蒙

恩准擇尤酌保自應遵照辦理但電報局出力人數約
在百員以外現值

朝廷嚴核名實之際臣懍遵

諭旨又將擬保人員再加核汰擇其尤爲出力者四十

八員實屬無可再減謹繕具清單恭呈

御覽仰懇

天恩俯准照擬給獎俾資鼓勵以策後來出自

鴻慈逾格所有電報局員學生異常出力遵

旨擇尤保獎緣由謹會同電政大臣直隸總督臣袁世

凱新授倉場侍郎臣吳重熹合詞恭摺具陳伏乞

皇太后

皇上聖鑒訓示再此案因臣前在丁憂期內未敢開單

保獎以致核奏稽遲合併陳明謹

奏 本月十三日奉

硃批該部議奏單併發欽此

謹將光緒二十六年二十七年由

行在至京城及京城至上海管理電線各局員學生異常出力擇尤保獎開具清單恭呈

御覽

計開

候選道周萬鵬黃開文均請加二品銜直隸試用直隸州知州吳煥榮請以知府仍歸原省補用候選同知唐元湛請以知府不論雙單月歸部選用四川試用知縣馮鵬超請得缺後以同知直隸州知州仍歸原省補用分省試用州同袁長坤請以知州仍歸分省補用候選

縣丞陶廷廣程大業請以知縣不論雙單月歸部選用
以上八員均係美國肄業學生出身在電局當差二十
餘年或派緊要重地修造電線或派各局總管電報尤
爲出力

總兵銜北洋候補副將揚勇巴圖魯吳應科請免補副
將以總兵銜陝西候補道姚汝楨請加二品銜湖北試
用道莊亮華請仍以道員歸原省候補班補用兵部候
補主事陳以豐請免補主事以本部員外郎遇缺卽補
知府用直隸候補直隸州知州王繼善陝西候補直隸
州知州施行緒直隸北河候補同知巢鳳岡均請以知

府仍留原省補用候選知縣龐鍾璘請以直隸州知州
不論雙單月歸部選用湖北候補通判陸長康請以知
州仍留原省補用長蘆候補鹽大使王寶善請以知縣
仍留直隸補用分省試用布政司經歷張光瀛請以知
州仍分省補用

以上十一員其時係派在京城保定天津大沽煙臺危
險之地以及太原西安德州鎮江江甯等緊要處所總
理電局督率學生日夜收發實屬奮不顧身尤爲出力
江西候補知府王庭珠請以道員仍歸原省補用湖北
候補直隸州知州宗得福江西補用同知季厚莖請以

知府仍歸原省補用直隸州候選知縣楊學沂請以直隸州知州不論雙單月選用直隸候補知縣張美翊請以直隸州知州仍留原省補用直隸試用知縣許容請仍以知縣歸原省候補班儘先補用江蘇候補知縣王慶徵請補缺後以直隸州知州在任候補候選布政司經歷尤肇寅請以知州不論雙單月歸部選用候選縣丞金忠讚徐興第方仁堅管祖章均請以知縣不論雙單月歸部選用

以上十二員係在總局管理電報籌備銀錢材料接濟各路並馳往各段不分晝夜稽查一切不避艱險尤爲

出力

候選道柏斌請加二品銜補用筆帖式英志請以主事
歸本部候補山東候補知州徐仲哲湖北候補知縣朱
文學請以直隸州知州歸原省補用分省候補知縣李
松年請以直隸州知州仍分省補用候選知縣俞書祥
候選通判譚兆樑請以同知不論雙單月歸部選用分
省試用通判榮永清請以知州仍分省補用補用知縣
兩淮候補鹽經歷王廷樞請以知縣仍留江蘇補用分
發試用布政司理問傅錫熊請以知州仍分省補用湖
北試用縣丞王錫麟陝西試用縣丞金盛唐請以知縣

仍留原省補用分發試用縣丞范本金請以知縣仍分
省補用縣丞銜邱良田毛文鰲朱德生葉昌岐均請以
縣丞不論雙單月選用

以上十七員均係電報學堂出身其時或總辦學堂調
度各局學生或派在西北路修復電線或派在山西陝
西京城天津大沽上海武昌漢口濟南德州緊要各局
領班不辭勞瘁尤爲出力

請將朱寶奎交部優敘片

光緒三十二年三月

再外務部右參議朱寶奎係美國肄業學生出身回國之時適值臣創辦電線當卽稟商李鴻章留習電學並隨臣與英丹俄法各國議訂電報接線合同均能持定要綱不使外人侵佔界限光緒二十六年向大北大東公司借款購回上海煙臺天津海線辦理尤爲敏捷似未便壅於

上聞惟該員現已游升寶缺京堂應否交部從優議敘之處出自

天恩理合附片具陳伏乞

聖鑒謹

奏 本月十三日奉

硃批著照所請該部知道欽此

密陳裁撤勘鑛公司撥款專辦晉鑛摺

光緒三十二年三月

奏爲各省鑛務現經自辦請裁撤勘鑛總公司撥款專辦晉鑛以赴事機恭摺密陳仰祈

聖鑒事竊

臣

前在會辦商務大臣任內奏請設立勘鑛

總公司藉保主權而收鑛利各摺片光緒二十八年九月二十五日奉

硃批外務部戶部議奏欽此經部奏覆勘鑛總公司現在上海擬設自須酌發官款以爲商民之倡該大臣代辦陝西義振既稱尙存餘款十萬兩應准其全數撥給該公司作爲官發股本將來如試辦無效卽責成該公

司如數賠交以重公款等因光緒二十八年十一月初一日奉

硃批依議欽此欽遵在案其時出使大臣張德彝已將羅豐祿代聘之英國頭等鑛師布魯特咨送到滬當卽派赴湖南勘查各鑛經前撫臣俞廉三派員引導勘得臨湘縣常甯縣鉛鑛又函商前署湖廣督臣端方派員領勘竹山縣銅鑛又電商前陝西撫臣升允派員往勘洵陽縣銅鑛陝省地方官不以爲然該鑛師折回卽調赴直隸與督臣袁世凱商派委員領勘臨城縣煤鑛磁州煤鐵鑛二十九年五月該鑛師陡患病症卽不能出

門勘鑛時因張之洞奉

命擬議鑛務新章

臣

查英美商約內皆載明鑛務新章

頒行後如准開鑛者均須照新章辦理等語關係甚重似非熟習各國現行鑛務章程者不足以資考究特令布魯特購辦書籍撰成鑛律五十九款又補遺三款鑛章九十一條又補遺一條於三十一年三月編輯完竣第念布魯特深諳鑛學而於中國情勢尙恐未甚明晰當將華洋譯本咨送張之洞並令該鑛師赴鄂以備諮詢此

臣

延聘頭等鑛師到華先後勘鑛及撰擬鑛律鑛

章備酌之情形也伏查勘鑛之舉原議重在收買鑛地

免爲外人佔奪實賴各省地方官聯絡一氣方能辦理
臣奉准設立勘鑛總公司後卽撤銷商務大臣差使勢
難以上海一隅之局參預各省之事況近年風氣大開
各省多已次第設局開辦自應將總公司卽行裁撤所
延英鑛師布魯特以及副鑛師李御三年合同期滿已
撤回國惟查山西煤鐵鑛甲於天下前經山西商務局
與英商福公司議定開鑛製鐵以及轉運鑛產合同將
孟縣平定潞安澤州暨平陽府屬煤鐵鑛轉與福公司
辦理光緒二十八年拳亂後外務部因英使又向理論
飭臣與福公司議訂澤道鐵路條款該英商堅持晉鑛

合同標題載明開鑛製鐵以及轉運各色鑛產執定欲
在鐵路合同載明准其運鐵意在就鑛設爐製鐵運售
臣乃秉承外務部就原訂合同內以上孟平等五處鐵
鑛及化鐵需用之煤與鍊焦鑪應由中國合股開辦
國家自設鑄化廠凡各鑛所出鐵砂均須官廠鍊成鐵
磚方准由火車裝運所指各處煤鑛如亦願意合辦由
山西商務局與福公司再行商議並聲明原合同所載
各節除經以上四款所更改並將來另訂詳細合同外
餘均照舊辦理等情經外務部磋議就緒謹繕清單恭
呈

御覽光緒三十一年三月十九日奉

旨依議欽此遵行又查孟平潞澤煤鐵礦若照原合同已全讓福公司辦理爭持三載始允晉省與福公司合辦除鎔化鐵廠全歸中國自辦外開鑛則未能全行爭回臣尤慮西人辦事著著爭先若鑛地爲彼先佔則中外合辦亦非實籌的款不能踐約莫如按照勘鑛公司辦法先將該處煤鐵產鑛之地速由晉省籌款收買將來可將鑛地作我股分援照臨城煤鑛成案與彼合股既可守地主之權又可分鑛中之利臣卽函電咨商撫臣張曾敳遴派鑛務學生張金生先赴澤潞一帶勘買

鑛地據張金生齎送澤州煤樣驗看質美產良實堪與
英國頂上白煤比賽確勝開平萍鄉等煤但張曾敷來
電以晉省紳商難籌鉅款臣去年赴天津與北洋大臣
袁世凱熟商以晉鑛必須通力合作不分畛域迅速購
地遲則必盡爲外人所佔決非空言所能爭執袁世凱
意見相同當與張曾敷往返電商一面由北洋派委山
西紳士道員董崇仁會同鑛務學生道員鄺榮光馳赴
平定州隨勘隨購又因鄺榮光總辦臨城煤鑛不能久
在晉省仍派張金生赴晉接續幫辦近接董崇仁等文
電辦理尙稱得手所設同濟鑛務公司臣等公商必應

先籌購地資本三十萬兩擬請將臣所勸捐義振餘款
前准撥給勘鑛總公司之股本銀十萬兩移撥同濟公
司並由北洋大臣籌銀十萬兩山西巡撫籌銀十萬兩
作爲該公司資本蓋以之辦鑛則不足以之購地則有
餘但期產鑛之地能先爲我得以後開鑛之本自無待
他求是補救山西一省之鑛務而暗中挽回之利權實
不止山西一省已也臣再三籌度擬將上海勘鑛公司
歷年支用鑛師薪水川資以及購辦書籍器具各處勘
鑛費用銀六萬三千五百餘兩悉由臣設法自籌賠補
不動撥款所存原銀十萬兩因山西同濟公司急於待

用已會商北洋山西各撥給銀二萬兩尙存勘鑛公款
庫平銀八萬兩除已如數派員解交商部收存並咨明
查核外應請

飭下商部隨時會商北洋大臣山西巡撫查照督飭該
公司紳董認真辦理以赴事機而免中輟所有擬請裁
撤勘鑛總公司撥款專辦晉鑛緣由理合具摺密陳是
否有當伏乞

皇太后

皇上聖鑒訓示謹

奏 本月二十九日奉

愚齋存藁

卷十二

七

硃批外務部商部知道欽此

愚齋存藁卷十二